

Broj: 06-11-182/2026-R-4-10  
Sarajevo, 09.07.2026. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog stalne Komisije za provođenje postupaka javne nabavke roba, usluga i radova, imenovane Rješenjem, broj: 08-30-184/2026 od 27.01.2026. godine, sekretar Vlade Federacije Bosne i Hercegovine, d o n o s i

**ODLUKU**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA –**  
**NABAVKA KANCELARIJSKIH MAŠINA ZA POTREBE GENERALNOG SEKRETARIJATA**  
**VLADE FEDERACIJE BOSNE I HERCEGOVINE**

**I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kancelarijskih mašina za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-182/2026-R-4-1, broj Obavještenja o nabavci sa portala javnih nabavki: 854-7-1-64-3-20/26 od 01.06.2026. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 39/26, kao najbolje ocijenjena prihvatljiva ponuda je ponuda ponuđača:

- „EMADO“ d.o.o. Sarajevo, sa ukupnom cijenom ponude bez PDV-a, u iznosu **9.800,00 KM.**

**II.**

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-182/2026-R-4 od 01.06.2026. godine. Javna nabavka provedena je putem Konkurentskog zahtjeva za dostavu ponuda. Procijenjena vrijednost nabavke iznosila je 9.900,00 KM bez PDV-a. Obavijest o nabavci poslana je na objavu 01.06.2026. godine, te je istog dana objavljena na portalu Javnih nabavki pod brojem: 854-7-1-64-3-20/26, a Sažetak obavještenja o nabavci objavljen je u „Službenom glasniku BiH - Oglasnik javne nabavke“, broj: 39/26.

Tendersku dokumentaciju preuzelo je 16 (šesnaest) privrednih subjekata, a 5 (pet) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: „INTER-COM“ d.o.o. Zenica, „TERMOELEKTRO TRADE“ d.o.o. Brčko, „EMADO“ d.o.o. Sarajevo, „ELUR“ d.o.o. Kiseljak i „R&S“ d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-184/2026 od 27.01.2026. godine, izvršila je pregled i ocjenu ponuda, te konstatovala da je, od ukupno 5 (pet) dostavljenih ponuda, prihvatljiva 1 (jedna) i to ponuda ponuđača „EMADO“ d.o.o. Sarajevo, da su 3 (tri) ponude neprihvatljive i to ponude ponuđača: „INTER-COM“ d.o.o. Zenica, „ELUR“ d.o.o. Kiseljak i „R&S“ d.o.o. Sarajevo, a da je 1 (jedna) ponuda neprihvatljiva i nepravilna i to ponuda ponuđača „TERMOELEKTRO TRADE“ d.o.o. Brčko.

Ponuda ponuđača „INTER-COM“ d.o.o. Zenica, sa registriranim sjedištem u Zenici, ID broj: 4218087760006, ocijenjena je neprihvatljivom iz sljedećih razloga:

- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 1. REZAČ PAPIRA, u koloni „Naziv proizvođača i model ponuđenog uređaja“, ponuđač je upisao „DAHLE 35314“, dok je na str. 36. Ponude dostavio detaljnu Tehničku specifikaciju za Usitnjivač dokumenata DAHLE Paper SAFE 260.
- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 1. REZAČ PAPIRA, u rubrici Tehnička specifikacija, alineja 1, traženo je: - Kapacitet rezanja: minimalno 250 listova. Pregledom dostavljene detaljne tehničke dokumentacije ponuđenog uređaja Usitnjivač dokumenata DAHLE Paper SAFE 260 i zvanične web stranice proizvođača Dahle utvrđeno je da ponuđeni usitnjivač dokumenata ima kapacitet rezanja od 12 listova, što nije u skladu sa Tehničkom specifikacijom.
- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 1. REZAČ PAPIRA, u rubrici Tehnička specifikacija, alineja 2, traženo je: - Kapacitet posude za uništeni papir: minimalno 35 litara. Pregledom dostavljene detaljne tehničke dokumentacije ponuđenog uređaja Usitnjivač dokumenata DAHLE Paper SAFE 260 i zvanične web stranice proizvođača Dahle utvrđeno je da ponuđeni usitnjivač dokumenata ima kapacitet posude za uništeni papir od 25 litara, što nije u skladu sa Tehničkom specifikacijom.

Ponuda ponuđača „TERMOELEKTRO TRADE“ d.o.o. Brčko, sa registriranim sjedištem u Brčkom, ID broj: 4600457120003, ocijenjena je neprihvatljivom i nepravilnom iz sljedećih razloga:

- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 1, traženo je: - Brzina skeniranja: minimalno 50 stranica/min. Pregledom dostavljene detaljne tehničke dokumentacije ponuđenog uređaja Skener Epson Workforce DS-790WN i zvanične web stranice proizvođača Epson utvrđeno je da ponuđeni skener ima brzinu skeniranja od 45 stranica/min, što nije u skladu sa Tehničkom specifikacijom.

- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 3, traženo je: - Integrisan Flatbed i ADF.  
Pregledom dostavljene detaljne tehničke dokumentacije ponuđenog uređaja Skener Epson Workforce DS-790WN i zvanične web stranice proizvođača Epson utvrđeno je da ponuđeni skener nema integrisan flatbed, što nije u skladu sa Tehničkom specifikacijom.
- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 7, traženo je: - Scan file formati: DOC, DOCX, XLS, XLSX, JPEG, PDF, searchable PDF, PNG, RTF, CSV, XML.  
Pregledom dostavljene detaljne tehničke dokumentacije ponuđenog uređaja Skener Epson Workforce DS-790WN i zvanične web stranice proizvođača Epson utvrđeno je da ponuđeni skener ne podržava scan file formate: DOC, DOCX, XSL, XSLX, RTF, CSV i XML, što nije u skladu sa Tehničkom specifikacijom.
- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 8, traženo je: - Memorija: minimalno 1 GB.  
Pregledom Ponude utvrđeno je da je Ponuđač dostavio tehničku dokumentaciju ponuđenog uređaja Skener Epson Workforce DS-790WN iz koje nije moguće potvrditi da ponuđeni skener ima minimalno 1 GB memorije.
- u Tenderskoj dokumentaciji, Poglavlje IV PODACI O PONUDI, tačka 1. Sadržaj i način pripreme ponude, između ostalog, propisano je: „... Pri pripremi ponude ponuđač se mora pridržavati zahtjeva iz Tenderske dokumentacije... Ponuda treba sadržavati sljedeće: ... 10. Obrazac Izjave o podugovaranju – Aneks 8... Ponuđač je obavezan da pripremi ponudu u skladu s uvjetima utvrđenim u ovoj tenderskoj dokumentaciji. Ponude koje nisu u skladu s ovom tenderskom dokumentacijom će biti odbačene kao neprihvatljive, sve u skladu s članom 68. Zakona.“ Također, na strani 3. Tenderske dokumentacije, u dijelu NAPOMENA propisano je: „Svi Aneksi, osim Aneksa 1 i Aneksa 10 trebaju biti sastavni dio ponude.“  
Ponuđač „TERMOELEKTRO TRADE“ d.o.o. Brčko u Ponudi nije dostavio Obrazac Izjave o podugovaranju – Aneks 8, kako je traženo u Tenderskoj dokumentaciji.
- \* u Tenderskoj dokumentaciji, Poglavlje V OSTALE ODREDBE, tačka 3. Nacrt ugovora ili osnovni elementi ugovora, između ostalog, propisano je: „...Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.“  
Pregledom Ponude, konstatovano je da Ponuđač u Aneksu 9 - Nacrt ugovora (strana 24., 25., 26., 27. i 28. Ponude), nije upisao podatke iz svoje ponude.

Ponuda ponuđača „ELUR“ d.o.o. Kiseljak, sa registriranim sjedištem u Kiseljaku, ID broj: 4236010950005, ocijenjena je neprihvatljivom iz sljedećeg razloga:

- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 2. PRIJENOSNI SKENER, u rubrici Tehnička specifikacija, alineja 6, traženo je: - Povezivanje: USB 3.0 ili noviji interfejs.  
Pregledom Ponude utvrđeno je da je Ponuđač dostavio tehničku dokumentaciju ponuđenog uređaja Skener CANON IRISCAN ANYWHERE 6 WIFI DUPLEX, u kojoj se navodi da uređaj posjeduje USB-C priključak, međutim nije navedena podrška za USB 3.0 ili noviji interfejs. Budući da USB-C predstavlja fizički tip konektora, a ne standard prenosa podataka, Ugovorni organ iz dostavljene tehničke dokumentacije nije mogao potvrditi da ponuđeni skener podržava USB 3.0 ili noviji interfejs.

Ponuda ponuđača „R&S“ d.o.o. Sarajevo, sa registriranim sjedištem u Sarajevu, ID broj: 4200056290005, ocijenjena je neprihvatljivom iz sljedećih razloga:

- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 7, traženo je: - Scan file formati: DOC, DOCX, XLS, XLSX, JPEG, PDF, searchable PDF, PNG, RTF, CSV, XML.  
Pregledom dostavljene detaljne tehničke dokumentacije ponuđenog uređaja Skener RICOH fi-8270 i zvanične web stranice proizvođača Ricoh utvrđeno je da ponuđeni skener ne podržava scan file formate CSV i XML, što nije u skladu sa Tehničkom specifikacijom.
- \* u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE) u tabelarnom prikazu pod rednim brojem 3. DOKUMENT SKENER, u rubrici Tehnička specifikacija, alineja 8, traženo je: - Memorija: minimalno 1 GB.  
Pregledom Ponude utvrđeno je da je Ponuđač dostavio tehničku dokumentaciju ponuđenog uređaja Skener RICOH fi-8270 iz koje nije moguće potvrditi da ponuđeni skener ima minimalno 1 GB memorije.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-182/2026-R-4-9 od 08.07.2026. godine i Preporuku o izboru najpovoljnijeg ponuđača "EMADO" d.o.o. Sarajevo, sa registriranim sjedištem u Sarajevu, ID: 4201929330005 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka I) podtačka 1) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



**SEKRETAR VLADE**  
*[Signature]*  
dr. sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove